


## **Apostull Simeon Zelloti. Oshënar Laurenti. Dëshmorët Filadelfi, Alfiu, Kiprini**



E martë, 10 maj 2022 – Shenjtori i ditës.

**KRISHTI U NGJALL!**

Apostull Simeon Zelloti. Oshënar Laurenti. Dëshmorët Filadelfi, Alfiu, Kiprini.

– APOSTULL SIMEON ZELOTI –

Sipas një tradite të vjetër, shën Simeon Zelloti ishte dhëndri në dasmën e Kanës së Galilesë, në të cilën Krishti bëri mrekullinë e tij të parë duke kthyer ujin në verë. Pasi pa këtë mrekulli, Simeoni besoi me gjithë zemër te Krishti dhe la gruan, shtëpinë, atdheun për të ndjekur Krishtin, Dhëndrin qiellor të çdo shpirti. Ditën e Pendikostisë, së bashku me apostujt e tjerë, mori dhuratën e Shpirtit të Shenjtë në formë gjuhe zjarri.

Atëherë, i mbushur me të vërtetë me “zell” hyjnor për shpëtimin e vëllezërve të tij, shkoi të predikojë Lajmin e mirë në Afrikë, ku ungjillëzoi gjithë Mauritaninë, Libinë. Thuhet të ketë arritur deri në Britaninë e Madhe, ku ndriçoi shumë paganë me anë të predikimit të tij. U kryqëzua nga idhujtarët, ashtu si Krishti dhe u varros në po atë vend, që të bëhej farë për përhapjen e krishterim.

\* \* \* \* \*

## - OSHËNAR LAURENTI -

Ati ynë oshënar Laurenti jetoi në shek. XIV dhe ishte me origjinë nga Trapezunda. U qeth murg në Lavrën e Madhe në Malin e Shenjtë dhe u dallua për virtytet e tij. Për shkak të trazirave që solli debati mbi hezikinë (shih 14 nëntor), la Malin e Shenjtë dhe shkoi në Volos. Atje, në shpatin perëndimor të malit Pilion, në vendin e një tempulli pagan, themeloi manastirin kushtuar dhjakut të shenjtë Laurent. Falë ndihmës dhe mbrojtjes së perandorit Aleksii II Komneni i Trapezundës, shenjtori mundi t'i kryente shpejt punimet dhe manastiri u përrua më 1378. Afër manastirit themeloi edhe një skit kushtuar Metamorfozës dhe profetit Ilia.

[Kisha Orthodhokse Autoqefale e Shqipërisë](#)